

k wěrowanju a dyrbješe jeho hač do smjerće wudźeržeć, zo by z dohom jeho smjertny kitel był. Poslědni, kiž je tajku drastu hišće nosył, bě stary Kosak, kotryž w l. 1879 wumrě.

Džensa woblekaju so njedźelu a swjate dny mužscy krótku šěro- a módropłatowu jaku z cynowymi štyridžerkatymi bublinkami, kajkež so hewak na kholowy přišiwaju. Na wiki do Komorowa pak khodža najbóle w kušich jakach ze šěreho hrubeho sukna z wulkimi žołtomjedźowymi wulkowuškatymi bublinkami.

Sedlišćanki maju krótke wjeleropate wołmjane suknje hač do kolen, kotrež sebi same tkaja a šija a „warfroki“ mjenuja; w léce njedźelu noša rjane běte wušite nohajcy z módrymi sukanyimi klinčkami we šikowanych stupničkach a na hłowje małe ličkate kapički z cankami, tak mjenowane „kušawki“; w prjedawšich časach so młode žony njedźelu na kemše běte, na róčne časy — a njewjesty k wěrowanju — pak čorne borty (němski: Barthaube!) stajachu. — W zymje khodža, kaž Košynjanki, w čornych kožuškach z pufatymi rukawami, w léce pak a we jstwje wuslečene w bělych košulinych rukawach hač do łohća dosahacych, kiž su wšelako z pisanymi nitkami přešite a wušite. — Žalobna drasta je w Sedlišću čorna.

III. Klěšišćanska wosada.

Do tuteje wosady słušeju wsy: Klěšišća (h.-serbsk. Klěćišća, n. Klettwitz), Zdźaŕk (Särchen), Paradies, Murjow (Meurow), Sowjo, (skeps. Sojow, n. Sauo), Šejkow (Smoleŕ: Tšipkow, n. Zschipkau, vulgo Schipke), kiž bu hakle w l. 1874 z Komorowskeje wosady wufarowany.

Cyła wosada bu w našim lětstotku skoro do čista přeněmčena: we wšěch jeje wsach z wuwzaćom Šejkowa rozumi džensa jenož hišće něšto mało starych ludźi serbski.

Poslědnej serbskej fararjej w Klěšišćach běštaj Rychtaŕ a Słomka († 1874); tutoho sebi wosada, za předowanjom w maćeŕnym jazyku žadaca, z Čeplic (Teplitz) p. Žahanja powoła, dokelž bě z rodu Serb. Wón tež hišće hdys a hdys serbski předowaše tu a w tehdušej filiali Załužu (Salhausen), ale wokoło lěta 1840 z tym cyle zasta. Po napřećnym swědčenju stareho muža z Murjowa njejstaj pak hižo ani Rychtaŕ ani Słomka wjacj serbski předowaloj;